

Serbski institut Sorbisches Institut

Medijowe wozjewjenje 23.5.2019

Zakónčaca konferenca ESF-projekta „Serbska wěda“ ze zjawnej prezentaciju noweho informaciskeho portala SORABICON

Po třilětnej projektnej fazy prezentuje dorostowa wědomostna skupina zhromadneho projekta TU Drježdźany a Serbskeho instituta w Budyšinje swoje wuslědki

Pjatk 14. junija 2019 wotměje so w žurli Serbskeho Domu w Budyšinje wot 10.00-17.00 hodź. zakónčaca konferenca ESF-projekta „Serbska wěda“. Interdisciplinarna skupina sydom wědomostnicow a wědomostnikow slědžeše tři lěta w kooperaciji mjez Techniskej uniwersitu w Drježdźanach a Serbskeho instituta w Budyšinje k temam z wobłuka serbskeje kultury a serbskich stawiznow kaž tež k prašenjam digitalizacije serbsčiny.

Najwažniši wuslědk projekta je nowy (popularno-)wědomostny informaciski portal SORABICON, kotryž je skupina zhromadnje wuwila. Na nim maja so nowe wědomostne dopóznaća wo stawiznach, rěči a kulturje Serbow šěršej zjawnosći w syći spřístupnić. K přěnim wobsaham portala słušeja wuslědki z jednotliwych projektow dorostoweje wědomostneje skupiny a wubrane přinoški „Kulturneho leksikona“.



W přednoškach konferency předstajeja čłonojo dorostoweje wědomostneje skupiny wuslědki svojich třilětnych slědzenjow. Dalše čezišćo tworja přednoški k (wědomostnym) digitalizaciskim strategijam w Serbach a w Sakskej. Wjeršk a zakónčenje konferency tworja prezentacija portala SORABICON.

Program konferency je medijowemu wozjewjenju připožoženy.

Zarjadowanje wotměje so w serbskej a němskej rěči, z dobom poskići so simultany přeložk do němčiny. Přizjewjenja njesu trěbne.

Kontakt: robert.lorenc@serbski-institut.de



Europa fördert Sachsen.
ESF
Europäischer Sozialfonds



**TECHNISCHE
UNIVERSITÄT
DRESDEN**

Hłowne sydło · Hauptsitz
Dwórnišćowa 6 · Bahnhofstraße 6
D-02625 **Budyšin** · **Bautzen**
T +49 3591 4972-0
F +49 3591 4972-14
si@serbski-institut.de
www.serbski-institut.de

Wótnožka za dolnoserbske slěženja
Zweigstelle für niedersorbische Forschungen
Droga Augusta Bebela 82
August-Bebel-Straße 82
D-03046 **Chóšebuz** · **Cottbus**
T +49 355 48576-482
F +49 355 48576-494
cottbus@serbski-institut.de



**Serbski Sorbisches
institut Institut**